

مناجات

ابر کرم اک کرم دی نظر ایدھر سرسبز میرا گلستان کر دیہ
میری مدتاں دی پئی ہوئی ویران دنیا آباد اے شاہجہان کر دیہ
اک جھلک نور الانوار کولوں مستنیر تیرہ خاک دان کر دے
اگے مضطرب فیر بیدم کیتی جھکڑاں جھانجیاں مشیت غبار میری
نہ رکھ انج عالم غیر آباد اندر سرگردان جان بے قرار میری
بارور نخل آرزو میرا مہربان اے آرزو دان کر دے
اس باغ دے نہیں ہم جس پنچھی حال حال تو بہ حال حال میری
کتیا تنگ نامحرماں ناجنساں بے قدراں بے درداں وچہ جال میری
جس باغ دی میں بے وطن بلبل او سے باغ میرا گلستان کر دے
بھلی پیا ہویاں اپنے آہنے تھیں اگوں پیش شب یلدا میرے
کیتھے ہمصفر الست والے ہمدرد پنچھی ہم نوا میرے
لامکان اے کون و مکان والے مشکل کشا ایہ مشکل آسان کر دے



سرکارِ دو عالم ﷺ دے بچپن دا اک معجزہ

خواجہ عبدالطلب امیر مکہ اک شان حبیب بیان کہتا
سزبل گئے ساڈے نخلستان سارے بھکھ مارنے ملک ویران کہتا
لوکاں جا جا کے کعبے بتاں اگے پیاں رورو کے عرضاں کہتیاں سن
کہندے نے میرا محمد یتیم بچہ اوس وقت اچے اک سال داسی
میرے بچے دا بچہ ہے جی سچا رتبہ سمجھیا ہویا میں لال داسی
شاناں ویکھ کے دُر یتیم دیاں اک دن قدرتی مینوں خیال آیا
لحٰت جگر نوں سینے لگا کے تے خواجہ حرم کعبہ وچہ آوندے نے

آکھن قحط پیا بکری عرب اندر جس دیس دا دیس حیران کہتا
کیتی کال و بال پامال خلقت بُوہا بارش دا بند رحمان کہتا
مینہ نہ ہویا نہ انج ہووناں سی ایویں کہتیاں مدتاں یتیاں سن
ہیسی دائی حلیمہ دے کول ایپر پیا آپ اللہ اوہنوں پال داسی
آ آچن پگھوڑے وچہ کئی واری لیندا کھید دا لطف جمال داسی
کیوں نہ ایس ویسے تھیں مینہ مگئے ایہ جے رحمتاں لے کے نال آیا
کے والیو آؤ تمام آؤ لوکاں مار دے سد بلاؤندے نے

دیکھو قدرتیں رب کریم دیاں آج خیر دینہ برساؤندے نے
سروں اُچیاں سرکاروں کر کے تے رپ کعبہ دے پیش سوال کیتا
اس نور قدیم دا واسطائی ایہدے پردہ میم دا واسطائی
دے دے مولیا بارانوں حکم دے دے ایس دُرِ یتیم دا واسطائی
تیتھوں فضل دیاں بارانوں مٹکے نوں لے آئے تیرے حبیب نوں نال اسی
میں آیارحمت اللعالمین بن کے اونہاں ازل دے راز معلوم آہے
اے صل علی نہ دیر لگی اٹھے ابر رحمت جھوم جھوم آہے
ایویں لوکاں دے نکدیاں ویہدیاں ہی سوہنی سوہنی جیہی رجم لادتی
پتہ ہُن ہی لگ جائے جگ تائیں یار یار دا شان دکھا دتا
صلوات سراج ظہور قدسی جگ برکتاں نال رجا دتا
کھڑی حد سراج پھر رہی جدوں کلمہ پڑھیا جائے عرش برین اُتے

آگیاے کال دا علاج مینوں سکے والیا نوں سمجھاؤندے نے
ہتھاں اُتے حضور نوں چک خواجہ سر بلند بڑے ادب نال کیتا
لا شریک سچیا مولا مہرباناں اپنی ذات کریم دا واسطائی
اس خلقِ عظیم دا واسطائی اس رؤف الرحیم دا واسطائی
توں جانتا نہیں ساڈے حال تائیں کیتے کال وبال نڈھال اسی
نبی پاک اوس وقت بھی نبی آہے توڑے دیکھنے وچہ معصوم آہے
وَمَا يَنْطِقُ عَنِ الْهَوَىٰ دے ہونٹ ہلے پے جگ دے جگ مقبوم آہے
غیوں اٹھیاں بدلیاں درود پڑھ پڑھ سارے دیس گھنگھور مچا دتی
ہو کے خیر دے مل گئے دیس سارے کرم دا مینہ وسا دتا
محبوب خدا نے اوندیاں ای اُجڑیا عرب دا دیس وسا دتا
سبحان اللہ اللہ پاک دیاں نعمتاں ختم ختم المرسلین اُتے



معجزہ شق القمر

اکھیں نال پلا دے مست کر دے دیہہ احمری ثوبت شفا میری
ہُن تے وقت اے ساقیا مستیاں دا دیہہ اک جام تے ہوش گوا میری
مُجرا فجر دا بھراں دربار نبوی ہووے صبح نماز ادا میری
بار بار گلاب تھیں جیہہ دھوواں لا تعداد سلام و صلوات ہووے
ذکر پاک رحمتِ عالمین اُتے پئی رحمتاں دی برسات ہووے
اوہدے شانِ بیان عیان کارن کی کرے گی خاک کی زبان بھلا
مہاراج بن کے سرتے تاج پاک کے سنے جوڑیاں عرش تے جاوناں کیں
صفیٰ، نجی، خلیل، کلیم ہو گئے پر محبوب خدا بن آوناں کیں
نکو کار حق دے گنہ گار میرے کیڈے پیار دے نال فرمان مولا
زنجی ہو کے وچہ بازار طائف پیا رہنا نہ بد دُعا دیناں

ساقی ماہِ رُخ میخانے دا واسطائی دیہ مئے روحی صبحی غذا میری
تڑلے کردیاں گذر گئی رات ساری نہیں منظور ہوئی التجا میری
ہوواں مست سراج تے اپنا رباب چھیڑاں کائنات ہووے ہم نوا میری
ہووے قلم بنائی ہوئی شاخ طوبی اُتے کوثر وں دھلی دوات ہووے
عنبر عود کستوریاں مات ہوون جتھے ذکر شاہ کائنات ہووے
جیندا نام وظیفہ اے قدسیاں دا اتے حق ہووے ثنا خوان بھلا
کملی والے جیہا ہور نبی اگے کون آیا اگوں آوناں کیں
اے صلی علی سبحان اللہ رحمت دو عالم لقب پاوناں کیں
والی وارث یتیم دا تے بکیساں دامیرے جیہاں گناہیاں دامان مولا
دیکھو خلقِ عظیم دی شانِ رافت بدل رحمتاں دے برسا دیناں

پتھر لگتاں دند شہید ہونیں مارن والے نوں فیر دُعا دیناں
دیناں عرش نے سبق فرشتیاں اُتے بستر اخاک وچھائی رکھناں
اللہ اللہ ایسے مہربان اُتوں کیوں نہ جان سو وار قربان ہووے
سبحان اللہ جس دے نور کولوں مستنیر یہ کون و مکان ہووے
کراں اپنے نصیباں تے تاز کیوں نہ نعمت خواں ہاں اوس دربار دیناں
راوی دسدے نیں نیں ملک یمن اندراک ابوجہل بد بخت دایا رآہا
توڑے کافر سی فیر بھی نیک نیت صاحب علم آہا خبردار آہا
انہوں سمجھ دانا دانا سارے کر دے گل اُتے اعتبار آہے
ابوجہل شکستاں تھیں تنگ آکے کارن مشورے اوہنوں بلاؤندا اے
بڑے شوق سلوک تھیں ملے دونوں عافیتاں خبر سناؤندا اے
پنی رات تے بیٹھ حبیب پچھدا دس گل جس کارن بلایائی
سُنیہا ہو سیا حبیب اس شہر ساڈے اک نام محمدؐ سدواندا اے
عُزّی لات منات چھڑا کے تے کسے ہور دی پوجا کر اوند اے
آہندائے جس دی جگہ نوں اڈیک آہی اوہ نبی آخر زمان ہاں میں
جادوگر اے ایہ میں سمجھیاں کوئی یاد بڑی جادوگری اوہنوں
جانداں کعبے تے بُت جاپوں موہندے کسے دس چھڈی ساحری اوہنوں
اوہدے منن والے آکھدے نیں عرش فرش تیکر شہنشاہی اوسدی
اُنچ تے دیکھن بڑا ذیشان دسدائے بڑے رعب تے بڑے وقار والا
کدی جھوٹھ زبان تھیں بولد انہیں میں ایہ منناں بڑے اعتبار والا
ہور سمجھ تھیں اوپری گل ڈٹھی عجب جیہی اوہدے منن والیاں دی
سُندا رہیا حبیب خاموش ہو کے سوچے پیتاں پیا قربان ہووے
جیہدیاں وچہ انجیل دے آمد اں نے شاید نبی ایہ آخر زمان ہووے
قابل دشمن بھی جس دیاں خوبیاں دے اوہدی خدمت وچہ جادناں چاہی دااے
لگا کہن ابوجہل نوں سوچ کے تے ذرا اوسوں مینوں ملا تے سہی

قربان جاوا اں جانی دشمنان نوں اُتوں چادر اں لاہ وچھا دیناں
ہونارب دایا رتے قسم رب دی یاری میرے جیہاں نال لائی رکھناں
جیہدا عرش مشتاق کونین شیدی گنہگاراں دا مان تران ہووے
اوس شان خدا دی شان کارن کیہڑی قلم تے کیہڑی زبان ہووے
حاضر طبع سراج اس وقت لکھاں مُعجزہ شق القمر سرکار دا میں
اوہدا نام حبیب بن مالک اپنی قوم دے وچہ سردار آہا
دانش مند عادل معتبر عاقل وچہ مجلساں باوقار آہا
ابوجہل حبیب بھی مدتاں دے اک دوسرے دے گُوہڑے یار آہے
سی حبیب چر دکنناں یار اوہدا سن پیغام مکے وچہ آؤندا اے
ابوجہل نے سمجھیا خیر ہو گئی دانش مند ایہہ یار کہاؤندا اے
ابوجہل نے اوس نوں روکے تے دُکھڑا اپنا پھول سنایائی
حسبوں نسبوں قریشی تے ہاشمی ایں اپنے آپ نوں نبی گہلاؤندا اے
دعویٰ کرے جبریل ناموس اکبر میرے کول پیغام لیاؤندا اے
رہندافرش تے دسدائے عرش دیاں ایس گل تھیں بڑا حیران ہاں میں
گل کردیاں بندے نوں موہ لیدائے بڑی اٹکلاں تے کارگیری اوہنوں
کل تک رُلدائے رہیا یتیم خبرے کتھوں مل گئی پیغمبری اوہنوں
ڈٹھائے میں خود روڑ درخت پتھر جانور بھی دیہن گواہی اوسدی
بڑے نور ظہور حضور والا چہرے مہرے والا دستار والا
بڑے شرم والا بڑے کرم والا بڑے رحم تے بڑے پیار والا
چھوڑن دنیا پر اوہدا نہ لڑ چھوڑن بھلی ہوش اے انج متوالیاں دی
ایہ نشان سارے انبیاء دے نے جیہدا پیا ایہ ذکر بیان ہووے
انتظار آہی خبرے ایس سَمے کیتا اللہ نے کرم احسان ہووے
اس تھیں فیض اٹھاؤناں چاہیدا اے اپنا بخت آزماؤناں چاہی دااے
اُکھیں وکھیاؤناں جادوگری اوہدی اوہدے روبرو مینوں کراتے سہی

کیہ آکھدا تے کیہ اے غرض اوہدی اوہدے روبرو مینوں کراتے سہی
 روبرو ہو یاں پتہ لگ جاسی اوہ کیہ آکھدا تے کیہ اے خیال اوہدا
 ابو جہل جاتا بس ہُن ماریا میں قسمت جاپدا گئی اے ہار میری
 اوہدے روبرو ہو یا تے گیا میتھوں آزمائی ہوئی کتنی وار میری
 اوہدے نال ساڈی بازی سر دھڑی اے اسال اک دوسرے دے گھر جاناں نہیں
 حوصلے نال حبیب نے کہیا اگوں کیہڑا حرج اے اوہنوں بلا لے
 اکھیں ویکھ لیے جادوگری اوہدی کجھ سن لیے کجھ سنا لے
 قصہ مختصر بڑی تکرار پچھوں بن گئی صلاح بلاونے دی
 ابو جہل نے آکھیا سن میتھوں اوہ نو یاں توں نو یاں دکھا دیوے
 سَکے چشمے فیروگا دیوے پتھراں پڑیاں نوں کلمے پڑھا دیوے
 ساڈے سامنے دھرتی تے لے آوے انگلی کر کے چن دے نور دے ول
 قاصد جا حضور وچہ عرض کیتی ابو جہل گھر اک مہمان آیا
 سرور سن کجھ وقت خاموش ہو گئے جاناں چاہیدا اے حکم رحمان آیا
 چمکے کملی وچوں پیا رُخ انور پئی چاننی ہو وندی مات آہی
 میرے آقا ابو جہل دے گھر آئے خبرے کس دے بخت بیدار نے آج
 مجلس جزی ہوئی کل قریشاندی جمع بڑے بڑے سردار نے آج
 اَلْسَّلَامُ عَلٰی مَنْ تَبِعَ الْهُدٰی آقا مجلس نوں بول سنایا اے
 سارے رہ خاموش حبیب کہندا کردا عرض مدعا بیان ہاں میں
 سُنیاں اگے بھی آج بھی ذکر تیرا شوق تیرا کھدا فراوان ہاں میں
 بولے اک زبان قریش اگوں سانوں معجزہ ایہ وکھا دیوے
 وگ گئے ڈھول مُنادیاں ہو گئیاں سارے شہر دے وچہ اعلان ہو یا
 اڈھی رات سارا شہر جاگ اٹھیا جمع کل کافر مسلمان ہو یا
 فی امان اللہ ظاہر ہون لگا پاک معجزہ میری سرکار دائے
 ایدھر چن کی اودھر چن فلکی ویکھو نور ظہور ذی شان والا

یا تے چلے اسدے کول دونویں یا اوہ آجائے اوہنوں بلا تے سہی
 بناں ویکھیاں بناں آزمایاں دے انجیں فیصلہ کرن محال اوہدا
 جس واسطے ایہوں بلایا میں اوہ گئی تجویز بے کار میری
 کھادی دلوں شکست تے کہن لگا گل سن میتھوں میرے یار میری
 مکدی گل اے اوہنوں بلا ونا نہیں جے بلایا تاں اُس نے آدناں نہیں
 سانوں منہ وچ اوس نہیں پالیناں روبرو ہو کے گل مُکا لے
 ہووے متاں سراج اوہ شمع نوری ایہ بجھیا دیوا جگا لے
 باقی رہ گئی اک تجویز ایہو کسے مشکل نال آزمانے دی
 کتنی وار میں ڈٹھا اے آپ اکھیں اُن موسے میوے منگا دیوے
 پَر اَج رَل کے اوس نوں کہو سارے آسماناں تھے چن بلا دیوے
 گل مُک گئی ایہو صلاح بن گئی بندہ گھلیا انہاں حضور دے ول
 بڑا شوق رکھدا ملاقات دا اے مینوں گھلیا میں بلان آیا
 اُٹھے لے چلے تشریف حضرت نال حمزہؓ تے شاہ مردانؒ آیا
 بیسی تیرھویں چن سراج اس دن اُتے پہراک گزر گئی رات آہی
 کون دولت کونین دی کرے حاصل کینوں رنگنائیں اہر بہار نے آج
 سرکار توں ویکھ کے اُٹھ کھڑے بے خود گئے مغرور خود دار نے آج
 خیر نال برادری یاد کیتاے ظاہر کرو جس کارن بلایا اے
 میرا نام حبیب گھر یمن میرے تیرے شہر وچ آج مہمان ہاں میں
 تیرے دعویٰ نبوت دی شرط اُتے چاہندا ویکھناں کوئی نشان ہاں میں
 انگلی کر کے چن بلا دیوے ساڈا اِنج اعتبار جما دیوے
 لوکو چن آج ہو ونا میں دو ٹکڑے چلو ویکھئے عہد پیمان ہو یا
 بچے بچیاں عورتاں مرد سارے جبل ابو قیس میدان ہو یا
 چن سرے وچہ عین شباب اندر پیا چمکدا تے لاٹاں مار دائے
 ایدھر چن نوں نور عطان والا اودھر چن بن کے چان لان والا

ایدر نور خدا دا بدر کامل اودھر وچ زوال دے جان والا
 سامنے ہوندیاں ہو گئے دوکڑے سینہ پھٹ گیا بدر منیر دے
 شَقُّ الْقَمَرِ دَا مُعْجَزہ ویکھ کے تے حبیب بن مالک قربان ہويا
 رہ گئی شبے وسواس دی جا کوئی نہ دل پک کیتا اطمینان ہويا
 ابو جہل نصیبیاں نوں گیا رندا حبیب جے مشیر کھڑا کے تے
 ادب نال حبیب نے عرض کیتی یا رسول اللہ قربان ہاں میں
 پر اک روگ چروکناں جان تائیں اوس گل تھیں بڑا پریشان ہاں میں
 پُر ہن جا پدا اے مشکلاں حل ہوياں مہربان خدا دی ذات ہوئی
 ہس کے میری سرکار فرمان لگے ہن حبیب کوئی ہم خیال نہ کر
 مینوں دسیائے خدا نے روگ تیرا ایس گل وچہ شبہ روال نہ کر
 ہتھ بنھ کے حبیب نے عرض کیتی یا رسول اللہ فرماؤ تے سہی
 فرمایا سرکار نے سُن میتھوں تیری دھی اک گھر بیمار پئی اے
 باراں سال ہوئے بل جل سکدی نہیں پڑی پتھر دی لاچار پئی اے
 تُوں ہن سمجھ خدا نے فضل کیتا ہر طرح اودھی اچھی جان ہو گئی
 مُجَر صادق دے سن فرمان چُپے سو وار حبیب قربان ہويا
 اُٹی دن پھر رہیا حبیب ککے سکھیا دین کامل مسلمان ہويا
 عشاء وقت اپنے گھر جا پوہتا گھوڑیوں اُتر کُندا کھٹکھٹا وندا اے
 آئی دوڑی اُوہا بیمار لڑکی کُندا کھولیا جھک سلام کیتا
 آئی نظر اوہنوں تندرست بیٹی سمجھووس فضل خدا نے عام کیتا
 بیٹی گیا ساں تینوں بیمار چھڈ کے کیوں ٹرن پھرن اُٹھن بہن لگ پئی
 بابا تیرھویں چن تے رات آدھی میں حسب الحال بیمار پئی آں
 ہو گئے ویہدیاں چن دے دوکڑے میں پئی دیکھنی آں خبردار پئی آں
 مینوں کدیں نہ بھلسی اوہ ویلا آہس جاگ دی کیوں میں خواب آکھاں
 اس نور ظہور دی لہر اندر اک شکل نور الانوار آہی

آہوں سامنے وچہ مقابلے دے عربی چن تے چن آسمان والا
 حاضرین نے ویکھ نشان کامل پایا غل نعرہ تکبیر دے
 سچا آخر زمان رسول عربی جیندھا وچہ انجیل بیان ہويا
 قد میں جھڑ پیا دلوں من لیا کلمہ پڑھ لیا مسلمان ہويا
 ہو کرنی خوش بخت ایمان لے گئے دائرے وچہ اسلام دے آکے تے
 تیرے ویکھ نشان ثبوت کامل دلوں لے آیا ایمان ہاں میں
 چارہ کوئی نہیں چلیا عمر ہوئی بیٹھا اپنے لاتران ہاں میں
 تیری نال توجہ دے یا مولا اوس روگ تھیں مینوں نجات ہوئی
 گئے روگ بیماریاں دور ہوياں ہن توں فکر اندوہ ملال نہ کر
 جاناں روگ تے نالے علاج کیتا بے فکر ہو غم عیال نہ کر
 کبھڑا روگ تے کوں علاج کیتا کچھ مینوں بھی سمجھاؤ تے سہی
 ہوئیاں مدتاں جھولے دی مرض اوہنوں نچلا مار یا دھڑ بے کار پئی اے
 ساہ آوندا جا وندا ہوش قائم اکھیں تکتیاں انج ہشیار پئی اے
 تندرست ہو گئی نوجوان ہو گئی کلمہ پڑھ نالے مسلمان ہو گئی
 اللہ سچا تے اودھا رسول سچا میں من لیا اطمینان ہويا
 دیہویں (۲۰) دن حضور تھیں لئی رخصت اپنے وطن دے ول روان ہويا
 گھر والیوں آؤ کواڑ کھولو سد مار حبیب بلاؤندا اے
 اکھیں نال حبیب نے ویکھ لیا جیویں ذکر رسول انا م کیتا
 توڑے جان داسی پھر بھی ذکر اوس نے بیٹی نال بطور استفہام کیتا
 نال ادب تمیز سراج لڑکی اپنے باپ اگے رتی کہن لگ پئی
 آسمان ول میری نگاہ آہی اکھیں تکتیاں میں بیدار پئی آں
 گھر بن گیا بفقہ نور ساڈا ہون بادشاں نور الانوار پیان
 آفتاب ماہتاب ہزار ہون اوس نور دا نہ جواب آکھاں
 موہنڈے کملی مزلی تے شوخ گیسو سر تے تاج نوری دستار آہی

سجے کھجے فوج فرشتیاں دی کردی پئی درود اذکار آہی!
میرے سامنے آ کے کھلا سوہناں نوری تاج نوری دستار والا
کمیتی عرض سرکار قربان جاواں اٹھ نہیں سکدی بہوں بیمار آں میں
نہ موئی نہ جیوندی کچھ بھی نہیں نری مایاں واسطے عار ہاں میں
ردواں پئی نصیبیاں نوں عمر گزری اتے مینوں پئے میرے نصیب روند
میں کردی پئی عرضاں سرکار آگے پئے نین لہو برسان میرے
تندرست ہیں تُوں اٹھ کے کھلی ہو جا آکھیں ویکھ ظہور نشان میرے
مینوں تیری بھی خبر فرما گئے نے اللہ تیرے تے بھی مہربان ہو یا
سُن سُن ہو وندا پیا حبیب صدقے میں قربان کیا شان محمدی اے
لوک شوق تھیں جوق در جوق آئے لگ گیا دیوان محمدی اے
پُئی گئی بنیاد کلیاں دی مسجد اں گر جے ڈھاہ بنایوں نے
سبحان اللہ، اللہ اکبر کیا شان میری سرکار دی اے
آوے چن نہ نظر ناپینا نوں انجیں پئی دنیا ٹکراں ماردی اے
لکھیا معجزہ شق القمر دا میں نوری وقت آہا جمعرات آہی
یاروَف الرحیم سلطان عالم یا رسول اللہ شان سبحانی
آگے پلایا تیریاں مہربانیاں دا آگوں لکھ رکھے چشم مہربانی!
بھانڈا بھر دیہ دا تیا فضل کنوں سائل خالی خزانیاں رکھ نائیں
کوئی نہیں نا زلم دانش شاعری دا تو بہ میری نہیں شوق مشہوریاں دے
صدقہ شان اکرام فیضان رحمت بخشے جان قصور قصوریاں دے
روشن رہن توقیر تنویر چشماں آبرو عزت فراوان ہووے

بابا کیہ دساں اوس گھڑی دی میں برسات نوری لگا تار آہی
مینوں کہے بیٹی یا اَدِنِ اللہ لہجہ بڑا ہی لطف پیار والا
مدتاں بیت گیاں منجی مل پیاں مجبور معذور بے کار ہاں میں
اٹھ کے قدم چمدی سوسووار تیرے پرکیہ آکھیاں شرمسار ہاں میں
مرض لاعلاج سراج میری میرے حال نوں ویکھ طیب روندے!
فرمان لگے بیٹی غم نہ کر کیتا کرم اللہ رحمان میرے
اٹھ کھلی میں پڑھ کے پاک کلمہ گئے کھلدے ہتھ پران میرے
میں جانی آں اوس گھڑی تُوں بھی مکے وچہ آہیں مسلمان ہو یا
بھاگ جاگ پئے بے نصیبیاں دے ایہ سب خوان داماں محمدی اے
سارے شہر دھماں کئے پاک دیاں گھر گھر شروع قرآن محمدی اے
نغے پنج وقتے اللہ اکبر بانگاں دیتاں کفر گواہوں نے
ازلوں لے کے ابد تک دو عالم دھروئی پھری مدنی تاجدار دی اے
جہوں عشق رسول وصول نائیں گندی سمجھ لوہ لاش مردار دی اے
حاضر طبع سراج الحمد للہ ہوندی نور دی رہی برسات آہی
بے قرار بے تاب سراج اُتے اک نظر کرم جلوہ نورانی
یاری بخش زبان نوں رہے جاری طاری نزع تلک تیری نعت خوانی
جے تُوں کرم کوں لکھ بھاگ میرے بناں کرم میرے پلے لکھ نائیں
تیری پاک جناب تھیں یا قسمت مل جان فرمان منظوریاں دے
دنیا دین اندر کامیاب رکھو ذوق شوق مافوق حضوریاں دے
وقت نزع سراج دے لبان اُتے کلمہ طیب تیرا روان ہووے